



05379



集

文溪存稿重刻序

先公以鼎魁當宋末造



敷歷中

外隨地著勲今觀其立朝奏議  
追斥王安石叛經請正儲君名  
號擊奸相史嵩之劾樞密陳韡

稿序

京尹趙與憲力詆巨闖董宋臣  
盧允昇務正君心以正朝廷正  
朝廷以正百官非僅激烈於詞  
章者其在外也節推汀州則靖  
亂兵存郡守破劇賊提舉福建

則驅濁吏治饑民秉憲江函兼  
知贛府則劾賊貪決冤滯置平  
糴罷官酷化崗蠻為良民其居  
鄉也鎡城諭賊而賊旋解去攝  
鄉帥丘迪嘉誣戮平民則繳誥

勅辯其冤褫閣職有一方存性  
命三字減頭銜之句難進而易  
退初以右正言劾陳趙不允引  
裾留牘去後除知贛憲閩改漳  
俱辭不赴叅大政徐清叟力薦

起官旋以侍郎劾董盧不納遂  
同御史洪天錫出國門歸隱父  
溪著書講學皆以植彝倫存節  
義為本宋社屋而立獻凋殘家  
藏御書四十二道盡為昆明劫

稿序

三

灰先公之文幾不可問幸有先  
公門人李春叟收拾燼餘得奏  
稿雜文一百二十二篇詩詞一  
伯二十五首付之剞劂名曰文  
溪存稿歷元至明踰二百載成

化庚宮族祖禎得先公所撰墓誌二於襄水林巒正德己卯族祖達元得先公所撰清獻行狀於崔公文集嘉靖己卯族祖翱同知興化得先公請方謚狀及

祭方文挽方詩併先公轉朝散郎制書一道於大琮十世孫方宗重是年九月復得文于山跋曾子美書文於御史朱泚嘉靖癸丑彙集重梓板藏宗子家後

沙灣請板往印遂留於祠康熙  
甲辰奉

旨徙村沙灣在徙中板遂失落不  
全嗟乎先公之精神矧懼今古  
僅存此集世變屢更屹然靈光

稿序

五

在魯豈可聽其失落不為傳後  
計乎余為此懼亟取所藏舊帙  
訂其魯魚分類而編次之校畢  
付梓庶可上質先正春叟族祖  
禎達元翺羣公云爾然自嘉靖

癸丑至今康熙戊申歷年一百一十六復編次而授之梓亦此集更新之會也念厥紹者惟懷永圖焉

康熙七年戊申秋八月前

稿序

六



賜進士第奉政大夫修正庶尹吏部驗封清吏司郎中加一級掌光祿寺卿事前吏部驗封清吏司員外郎禮部祠祭清吏司員外浙江道御史改禮部祠祭清



吏司主事實加陞一級知南直

隸池州府建德縣事三奉

欽旨考選十四世孫際明頓首撰



重刻李忠簡公文溪集序

天地之精英人得之以爲文可以黼黻朝廷芬芳宇宙存乎中中必有浩然獨立乎萬物之表者此天地之正氣也故論人之文當先觀其人之所養先生昭代偉人年弱冠以雄文魁天下追風絕塵之資刷燕抃越其進也孰禦而居官守當言責則寧爲國死寧以言去身與家不遑恤何官爵崇卑足計哉則其所養可知矣居官多惠政及民未易縷數姑以立其大者觀之初筮汀幕適有軍變郡侯束手就執僚屬鼠

文溪集

李序

一

竊不暇公從奮身直前諭以禍福脫郡侯于虎口不崇朝而大難立解後數歲家食循陽戍卒倡衆直擣廣城震撼一道清獻崔公判鄉郡選幕下士諭賊人人相顧股栗公以廷紳贊閭畫毅然請行縋城詣賊壘言未竟聯事者已血刃頸礙刃向公恬不爲動從容陳義以調伏其心賊爲逡巡退却卒歛兵去城賴以完探虎穴料虎頭設不幸則男兒死耳豈全軀保妻子之爲者真丈夫哉旣而入烏府立朝若少屈意亭班可以一武至公方碎首玉階與天子爭是非辯

可否出袖中彈文對仗斥宰相借尚方劍斬佞臣苟  
利國家雖鼎鑊不避一言衲鑿拂衣徑歸視軒冕去  
來太虛一微塵耳孤忠突兀凜然與冰雪爭巖三學  
諸生送行詩有庾嶺梅花清似玉一番香要一番寒  
之句聞者壯之剛方正大之氣蟠鬱曾次泄而爲文  
光芒自不可掩大者中圭瓚小者鏘珮環奇峭者如  
怪石之倚斷崖清麗者如明星之炯秋漢進而立朝  
則論奏丹青言言藥石皆足以裨主德格君心而深  
衣獨樂則嬉笑怒罵字字箴規皆足以植民彝垂世

文溪集

李序

二

範蓋忠義以爲之骨學識以爲之根故芬郁葩華爛  
熳宣吐不自知其爲文也而文益工天收其聲山頽  
筆絕遺編散落浩不可收僕從先生游舊矣賜墻及  
肩未覩閫域方將擬集大成以俟識者世運中更永  
冠禍烈主家十二樓竟墮昆明劫火中斯文何辜例  
坐此厄噫尚忍言哉先生有子五人今中峯獨存諸  
孫競爽追抱往恨皇皇乎赤水玄珠之求春叟耄矣  
於師門無能爲役大懼放失永負夙心於是勉收燼

餘僅得奏藁雜文一百二十二篇詩詞一百二十五

首編次成集命之曰文溪存藁卷飭而歸之羣玉府  
俾登諸梓以壽其傳嘗鼎一臠知味者有遺恨焉雖  
不幸而不得其全也猶幸斯文之未盡喪也杲日行  
天照映穹壤先生之節卓乎不可尚已先生之文泰  
華之毫芒耳所可傳者僅止此其所不傳者又孰得  
而窺其際哉掩涕濡毫撫卷長歎九原不可作吾誰  
與歸先生名昴英字俊明宋朝賜之諡曰忠簡文溪  
則其自號云峇

至元三十一年甲午中元節門人李春叟百拜敬書

文溪集

李序

三

文溪文集序

士之生世當以氣節爲主文章次之古今文人凡幾窮者涵蓄山林達者顯著朝路然文之行世窮者恒多達者氣節難全而易虧少虧則以其文俱廢矣文溪先生登丙戌科第三人聲名已赫赫初宦于汀州戌卒閩欲害守公以身翼蔽之守獲免及里居循戌卒叛回圍廣城公縋城出諭賊退城獲全威武不能屈如此初登言路以直諫去再持從橐亦以直諫去富貴不能淫如此樹立高則言辭偉故其文隆崛崔

文溪集

陳序

四

峯淵淪瀆瀑千態萬狀皆氣節之所克也晚歲閒適無日不登臨無日不賦詠自騎鯨後六丁取將者不少大震初受公訓常撰杖履惜不掇拾以富篋筭五十年間往來懷抱一日其孫憲文以文携存稿見示感愴久之旣喜二文之如姚姪又恨大震不如李漢也公號文溪以郡北諸山泉匯于所居後元有此名蓋地靈所鍾也噫溪以文顯不以愚辱山川亦有所

遭云 肯

大元大德戊戌夏門人陳大震書

李文溪文集序

予嘗語李德孚曰士從事於學功深力到華落實存  
乃浩然自得則不知天地之爲大死生之爲變而况  
於富貴貧賤功利得喪屈信予奪之間哉今觀其先  
世文溪先生遺藁初涉其流渺瀾汪洋若江河之奔  
駛而又好爲生語險怪百出讀者往往驚絕至或不  
能以句以謂文溪直文耳徐考其實則見其重內輕  
外難進而易退蹈義如弗及畏利若懦夫卓乎有以  
自立不以物喜不以己悲蓋亦庶幾乎吾所謂浩然

文溪集

陳序

五

而自得者矣然後置書以歎曰嗟乎此文溪所以爲  
文也亟讀而亟思之執卷務盡乃至目倦神疲欠伸  
欲起輒回顧屑屑焉不忍舍也夫因言以求其心攷  
跡以觀其用故人之深淺畢見愚不敢自謂有得於  
文溪之蘊顧平昔所以告德孚者乃區區願學而未  
能忽焉親諸簡冊之中麤若冥會雖不盡解其說要  
其歸與此異者蓋寡矣則以之而嗟歎慕悅尚奚疑  
哉傳曰生乎百世之上百世之下聞者莫不興起此  
之謂也德孚念先緒之落落遺稿僅存復多訛缺乃

自思而悉訪諸族之人得舊所刊本與所勝本參  
闕其所疑刻之家塾命胤子昭董其事而俾予爲  
序之於乎自予爲兒時已聞文溪名而喜少長益嚮  
慕而獨恨未識其心胷氣象爲何如比歲京師獲交  
德孚亦嘗一閱其世譜今幸寄目於先生之文而知  
富貴果不足慕貧賤果不足羞功利得喪屈信予奪  
一切果皆不足爲累天地之爲大死生之爲變自得  
者果不可得知而奮乎百世之上興起百世之下孟  
軻氏果不予誣其所恃者蓋有在也故士必志道然

文溪集

陳序

六

後足以語此德孚好學老當益壯昭也尚亦有激於  
予之斯言也乎

成化庚寅九月同郡陳獻章公甫書

文溪文集序

文溪文集二十卷諸體具備宋侍郎諡忠簡率公之所著也厥居文溪之上肆以名集公弱冠起鼎魁歷仕中外垂三十載名在史志昭昭乎世憲故稱其人與文者曰南方間氣余無容贅特因而有感焉君臣之際不其難乎漢文之世而賈生長沙武帝之世而仲舒江都長孺淮陽夫二君君矣何其遇不易如此哉它不必論理宗者非宋之英主哉謂宰相曰李昴英南人無黨中外頗畏憚之公亦曰一介孤遠不由

文溪集

鄭序

七

薦進故其陟言路登從橐知爲斷乎親擢非不知公者而竟取嫉於史嵩之讒間於盧董年未老乞身端揆輔弼之績無自見焉則公爲遇耶未盡耶於乎難言矣公歸三年沒又十有六年而宋迄錄文文山陳文龍二公皆以大魁起家食此亦非盡遇其君者竭忠徇國乃公不及與矣要之精忠大節易地皆然何惑乎何惑乎故臣之於君所遇者時也所以遇者道也道苟在已百世而下猶想其所以爲遇者安得不悄然思慨然俯以悲也昔余南遊拜公祠於海珠之



山作歌詩弔焉茲幸得觀遺集於其孫如鳳氏完整  
可愛抑亦有道者言宜永其傳則公之遇不遇吾奚  
悲云如鳳君諱翱同知吾郡德徽惠政續其家聲翻  
升是集於梓余嘉其仕不忘學尤不忘其謙之所從  
出也樂爲校讐而又重之以辭致其古今之感焉於  
乎

嘉靖辛卯孟秋

賜同進士出身文林郎河南道監察御史奉  
勅提督南畿學政蒲陽鄭洛書撰

文溪集

鄭序

八

文溪文集序

文溪集者宋侍郎忠簡公李先生之所著也其文質實而簡勁盡脫陳俗初讀頗難偶以爲樊榭之儔也及觀跋菊坡之作及淳祐赴闕奏劄乃知公正直忠信學宗清獻崔公而立朝之讜論浩氣骨鯁凌人數被史嵩之讒沮有經綸之才而不獲輔相之任其言之奇古固有由也語曰爲之難言之得無訥乎不其然哉公至今且十餘世矣其嗣孫翱仕爲南禮部主客郎中言動不苟文雅清修綽有公風方將續公之文溪集

呂序

九

緒而益光大之則公之道雖未大行于一時而實遠流于百世矣吾知斯集也當與文溪並行于永久而不替乎

嘉靖十七年歲次戊戌冬十二月辛亥高陵呂柟書

文溪文集序

嘗觀古今士大夫有其資者或無其才有其文者或無其行有其遇者或無其氣故進退出處得失恒不能齊也吾廣忠簡李公崛起南服爲宋名臣其傳在國史不可尚已一日公嗣孫璧山氏遣其子鼎來持所著文溪集見遺予反覆誦玩手不能釋見其資粹然如麗金崑璧其才浩然如江漢溟渤其文蔚然如天葩雲錦其行犖然如泰山北斗其遇殷然如雲龍風虎其氣肅然如秋霜烈日出則危言危行詎邪翊

文溪集

黃序

十

正處則且農且漁靡適弗樂故徐梅埜稱公爲南方間氣文文山評公爲菊坡樣人如公真可謂完人矣所著集凡二十卷文百十二篇奏議二十一篇詩詞百七十六首遐哉邈乎公不可作已讀其書想見其人猶凜然有生氣也璧山翱名字如鳳守漳州剔歷中外三十年所至卓有政聲尤剛毅不隨有文溪之風鼎來爲邑諸生英資未艾詩曰無念爾祖聿修厥德尚克承哉并書以復 肯

嘉靖癸丑中秋後學南海鐵橋黃衷子和甫頓首書

忠簡先公行狀

孫殿苞撰

公諱昴英字俊明別號文溪初祖邵宋侍御史由豫章至南雄四世祖承奉大夫僊之始自南雄溪塘鎮遷于番禺鷺岡村傳六世至奉直大夫天棊公生五子公居長焉生宋寧宗嘉泰元年辛酉九月二十一日巳時將誕母南海郡開國夫人黎氏夢大星降庭因名少雋穎絕人長讀書海珠山博學多識一覽成誦嘉定壬午弱冠以春秋首薦于鄉菊坡崔公深器之諸老見其文咸謂當遜一頭地理宗寶慶元年乙

文溪集

行狀

七

酉再薦于鄉明年試春闈知貢舉官鄒應龍得公文欲置首魁而公治春秋或曰上始卽位宜崇帝王之學時帝方諒陰遂以台州王會龍書義第一而屈公鼎魁三名洪平齋徐梅堃諸公皆異其才以爲南方間氣由是名動海內如景星鳳凰士爭先快覩初授汀州推官州守陳孝嚴鷲悍不恤其下江閩寇相挺郡無壁壘公料其禍必至力請增裨浚湟以備不虞適守虐殺兵校十數人又欲造州楮強戍兵克口券公爭不聽吏持州楮請署柙公厲色呵之徑棄官去

方出郡郊俸貳偕士民數百邀而留之曰環境皆盜  
公忍棄吾民乎盍回救民命泊曰則悍兵王寶已閉  
關殺吏矣士民乃擁公入公以身翼守諭賊退而賊  
闕然必欲得守公叱曰若欲得守盍先審我自投于  
地衆噴舌共掖公起乃散去守始獲免既朱積寶合  
礫寇攻城公設備待之調左翼軍合民兵討賊面授  
方略躬督戰相持五日戰二十餘合賊敗走功聞于  
朝有旨特遷二秩除太學正未行是年壬辰十月繼  
母夫人潘氏卒公丁艱歸番禺端平乙未服闋除武

文溪集

行狀

七

學博士未赴會廣州摧鋒軍戍建康歸不踰嶺復更  
戍江西戍卒皆怨卒有曾忠者相率爲亂焚惠州二  
月遂圍廣州聲言欲得連帥幕屬而甘心焉帥守曾  
希鳳聞之航海潛遁石漕孝淳避寇水之南蜀庾使  
黃公歲請于菊坡崔公權宜措守菊坡乃登城曉以  
禍福賊羅拜城下而公獨毅然偕經幹楊汪中絕城  
出諭賊賊擬刃欲向公公不爲之動從容明利害順  
逆以感動其心賊皆聽命而首謀者懼誅終不肯降  
公知其黠不可口舌說徑歸厲兵秣馬將啓關擊賊

賊知有備遁去事聞除公大理司直主管經撫司機  
宜文字起菊坡鄉帥指授諸將悉力討賊不數旬而  
定一道生靈賴以安公贊畫之功居多召除太學博  
士丙申至京陛見賜對帝曰前此五年之寇卿能縋  
城諭賊可見贍略公奏曰疎遠小臣屢陛下簡記豈  
勝感激因賜公以金公首言陛下非不恪遵先朝之  
成憲而干請爲撓非不故使臣下之奉命而威令漸  
輕給舍繳建節之濫而終莫回大臣進除擬之目而  
不盡用近習乘間而官府非一體勞蹊捷出而政事

文溪集

行狀

三

或多門又言願陛下赫然發憤幡然改圖念祖宗土  
地不可尺寸與人厲披輿地圖之志毋使人有幾如  
是而不及郭之歎凡數千言帝皆納之丁酉嘉熙改  
元歲當秋闈公被命衡文取劉必成爲解首人咸稱  
爲得人戊戌召試館職除校書郎兼榮王府教授辭  
五月改授秘書郎兼沂王府教授遷著作朝散郎兼  
屯田郎官時朝廷屢召菊坡崔公爲右相不至帝以  
公遊菊坡之門俾奉御札還召菊坡因除公直秘閣

贛州而菊坡固辭不行公還朝亦辭贛州之命尋

遷知太宗丞權權兵郎公以親老乞外便養蓋是時  
奉直公年已六十有四矣帝從其請遂除直秘閣出  
爲福建建寧憲倉提舉己亥奉奉直公之任建寧甫  
下車貪吏望風解印去歲大饑公多方賑濟相俸以  
助之活者甚衆是年十二月菊坡崔公卒計聞公請  
于朝乞歸服心喪不許會臺臣彭方以風聞劾公公  
遂奉奉直公歸番禺還至江西臨江城南慧力寺奉  
直公以病終焉時嘉熙四年庚子十二月十九日也  
淳祐辛丑奉柩歸里哀毀終喪壬寅十二月奉葬于

文溪集

行狀

齒

增城南鄉嶺大面山親書以紀因築室墓下聚宗族  
子弟講學若將終身累召不起甲辰廣帥方大琮行  
鄉酒禮請公爲僎旣而大琮復立四先生祠四先生  
者公與校書古成之秘書溫若春正言郭聞也蓋謂  
公之行誼可以媲美古人故生與古人同祠焉乙巳  
立齋杜公範入相首薦公曰李昴英好監司也以吏  
部郎官召丐祠不允再召始憺然改曰權姦去國衆  
賢拔茅正朝廷清明時也吾敢有遺心乎丙午夏赴

闕帝曰卿去國幾年公奏曰臣以嘉熙三年叨福建

庾節以臺臣劾去因進二劄言范鍾之昏耗建儲之遲遲史嵩之奸邪具知古之詭秘又言欲培養根本莫先于久磨節之任欲網羅英俊莫先于寬資格之拘每劄中讀至一事帝必從容問之讀畢帝又問曰外間有何所聞公奏曰臣之所聞已盡見于奏劄中矣帝深嘉納且書御屏紀姓名杜丞相範劉侍御漢弼徐祭酒元杰忽相繼暴卒人皆疑姦相史嵩之所爲而廷臣緘默無敢言者公獨斥言不避廷紳學校始相繼論列乞正姦相之罪以伸三賢之寃十月擢

文溪集

行狀

五

右正言帝謂宰相曰李昇英南人無黨中外頗畏憚之除兼侍講公感激親擢知無不言首抗疏乞早正儲貳且曰正天下之大本貴乎豫定天下之大計貴乎果副貳早建所以繫海內之望成謀堅凝所以釋人心之疑言極懇切旣而史嵩之服除有嚮用之意朝論洶洶公與殿中侍御史章琰監察御史黃師雍復奏史嵩之譎詐貪婪狠愎殘忍罪浮四凶盍遠竄荒裔不報又率同列抗疏亦不報公獨再疏曰臣疏列史嵩之奸狀踰旬不報屢入催奏未聞制可陛下



一則曰保全大臣二則曰保全大臣臣何敢不將順然事有害大禍深與吾國勢不兩立者嵩之苞藏禍心竊據相位乃賣國之賊臣蠹國之盜臣擅國之強臣誤國之姦臣將爲害國之亂臣疏三上語益切帝爲動容即日與嵩之宮觀勒令致仕十二月公上殿復劾樞密院陳韓臨安尹趙與憲未及讀劄而帝即問所論謂誰公以陳韓趙與憲對帝却其疏不納公引帝裾復奏帝怒拂衣入宮公留其疏于御榻再拜而退諫議大夫鄭家因乘間劾公又嗾同列再疏有

友溪集

行狀

夫

旨罷公言職與在外差遣翰林學士李韶上疏畱公不允遂出國門三學諸生用李師中送唐御史介韻餞公國門外有庾嶺梅花清似玉一番香要一番寒之句聞者壯之歸之日父老持幟郊迎里閭詫爲盛事踰年丁未十一月三省同奉旨除公知贛州十二月三省復奉旨公依舊直秘閣除福建提刑又改公知漳州俱辭不赴戊申九月又致書于鄭丞相清之求免知贛州時庸齋趙公汝騰有三老八士之薦三

老李公韶陳公愷徐公清叟也八士公其一也所謂

國之于將莫邪者也天下聞公之風咸謂有唐子也  
劉器之之風家食數載杜門却掃已酉權鄉帥丘迪  
嘉安指平民爲盜攝倅陳知章復恣爲羅織淫刑以  
逞戮及無辜公移書迪嘉諍之轟不聽而暴愈甚公  
遂繳告勅留郡庫乞辨平民之寃于是全活者數百  
人然亦以此爲僉壬所陷竟禿閣職免新任公聞之  
怡然賦詩曰但得四方全性命何妨三字減頭銜其  
勇于爲仁如此淳祐壬子十月徐公清叟參知政事  
又力薦公帝思公賢遂起家除直寶謨閣江西憲使

文溪集

行狀

七

兼知贛州公慨然以洗寃澤物爲己任劾賊貪決寃  
滯一道肅然置平糴倉以惠饑氓罷官酷聽民自釀  
而薄其征民至今以爲便郡人崇像祠之諸峒負險  
盤據撫御乖方則相挺爲亂公申嚴保伍之法使相  
糾察且諭峒酋各率子弟詣臺訓治掇魯論首篇有  
子曰其爲人也孝第一章解義以訓飭之酋豪各錄  
本以歸私相告諭自是革心嚮化無復爲梗徐公清  
叟奏其事詔以其本頒示天下使爲矜式課治天下

最陞直寶文閣寶祐甲寅正月被詔除太宗正卿赴

闕兼國史院編修實錄院檢討賈似道丁大全方用  
事公首疏論之又上殿奏劄援唐憲宗之言曰朕幼  
在德宗左右見事有得失當時宰相未有再三執奏  
者皆懷利偷安卿輩亦宜用此爲戒當力諫不已勿  
畏朕譴怒而遽止此又陛下所當責之大臣者也時  
宰左右皆側目帝將有西大乙之幸又抗疏力諫其  
略曰方四郊多壘此正臥薪嘗膽時湖山在目似涉  
游觀道路頗遙駕還必暮意料之外事非一端帝嘉  
納除兼翰林特講學士時皇子忠王冠卽度宗也復

文溪集

行狀

文

進公太常卿爲之贊禮禮成除右史遷左史兼權吏  
部侍右侍郎尋除龍圖閣待制尚書吏部左侍郎兼  
翰林學士監修國史封番禺開國男食邑三百戶時  
宦者盧允升董宋臣竊弄威福御史洪天錫公所薦  
也三論之不報遂解言職以去公乃直前敷奏其略  
曰今歲以來天變頻仍正當修人事以應之倘人事  
又變是以變弭變天怒何從而釋耶臺臣非他官比  
今以劾寺璫而去之紀綱紊矣非是易置去解倒施  
人事之變孰大于此疏上不報公又再疏曰邇來北

司專恣日甚一日他人不敢言察臣天錫獨言之俄而解言職以去中外莫不駭愕始天錫登朝臣實薦之如不行其言乞與俱貶遂留疏拜辭與御史俱出國門縉紳士庶祖餞者絡繹于道咸惜其去時寶祐三年乙卯也公遂歸隱于竿城文溪之上又于城北白雲山構文溪小隱軒玉虹飲澗亭遨遊山水間漁釣自適著書行于世自是無復仕進意矣時軍國多務帝屢有大用意竟爲檢嬖所尼尋有詔除公端明殿學士僉書樞密院事公乞辭不赴帝念公賢因賜

文溪集

行狀

九

其所居扁堂曰久遠里曰文溪洞曰嚮陽御書大字賜之丁巳秋忽一夕大星隕舍東遠近駭觀後數日而公沒乃八月初九日也年五十有七聞于朝錫謚曰忠簡葬于增城縣雲母里豐湖山癸向之原景定三年壬戌漕使洪天錫因邠人之請祠公于海珠山咸淳九年癸酉士人又請于郡與崔菊坡合祠明嘉靖十五年丙申孝廉倫諫梁津李鸞曾貫周懋德黎文表等以合祠湫隘又請于僉憲李公默特祠祀公于城西後以稅監逼擾萬曆二十九年辛丑督學袁

公茂英復改建新祠于雨帽街備倭府故址有司以  
春秋致祭今祠地入于王府而俎豆猶故也

論曰先公之生也夢大星降庭而生及其沒也亦以  
大星隕舍而沒豈偶然哉觀其由筮仕以迄宦成皆  
以直節侃侃于時百世而下讀其書想見其人所謂  
廉頑而立懦者非先公其誰與歸

李昂英字俊明番禺人少雋穎絕人寶慶丙戌試春  
官知貢舉鄒應龍欲置第一時方諒陰或曰上始卽  
位宜崇帝王之學遂擢王會龍書義第一昂英第三  
人調汀州推官郡守陳孝巖驚悍不恤其下江閩寇  
相挺郡無壁壘力請增埤浚湟以備不虞會守虐殺  
兵校昂英爭不聽徑棄官歸亟出郡郊俸貳偕士民  
數百邀而留之曰環境皆盜公忍棄吾民乎泊回悍  
兵王寶已閉關將殺守吏士民擁之入昂英開諭諸

文溪集

傳

戴

三

賊乃解旣朱積寶合夥寇攻城設備待之調左翼軍  
合民兵討賊面授方略躬督戰相持五日戰二十餘  
合賊敗功聞于朝特遷大學正乙未摧鋒戍卒叛昂  
英出諭賊甫縋城羣兇露刃森立毅然不爲動從容  
諭禍福賊退事聞除大理司直主管經撫司機宜文  
字後與之平賊以昂英有贊畫功召除大學博士賜  
對上奏數千言極剴切上賜金酌其直尋召試館職  
除校書郎兼沂王府教授遷著作郎兼屯田郎官首

言天變狎至所以仁愛人君也人言交進所以忠愛

人君也天惟不言故告戒寓於災異臣當盡言故論諫出於憂危天變不足畏人言不足恤此王安石所以誤先朝者今災沴頻仍言路壅遏當開心聽言以弭天變上意嚮納尋丁父艱既終喪累召不起杜範入相首薦爲監司以吏部郎官召丐祠不允丙午赴闕上言請正史嵩之罪以伸杜範劉漢弼徐元杰之寃又言陛下於定國本猶未決去權姦猶未勇宮媪闈寺猶未斥絕是皆爲更化之累上謂宰相曰李昉英南人無黨中外畏憚之除兼侍講益感知遇知無

文溪集

傳

戴

三

不言抗疏乞早正儲貳言極懇切又極言史嵩之包藏禍心乃誤國巨姦賊民巨蠹疏三上語益切上爲動容以抗疏與在外差遣俱辭不赴人咸謂有唐子方劉器之之風徐清叟叅大政力薦之上思其賢起家除直寶謨閣江西提刑兼知贛州劾貪決滯一道肅然課治最召除大宗政卿赴闕兼國史編修實錄院檢討上殿疏極言時事旣奏左右皆側目有西大一之幸又抗疏諫之上嘉納除兼侍講擢龍圖閣待

制吏部侍郎封開國男董盧二闈竊弄威福昉英乃

直前敷奏疏入不報又再疏之不報上屢有大用意  
竟爲儉嬖尼焉遂歸卒諡忠簡平居溫然接物至于  
臨大節雖鼎鑊在前不懾也

文溪集

傳

戴

三



李文溪傳

黃佐撰

李昴英字俊明番禺人寶慶間以春秋擢進士第三人初調汀州推官遷太學正除武學博士未行摧鋒戍卒繇惠寇廣崔與之登城撫之昴英偕楊汪中出城諭賊事平召除太學博士試館職爲校書郎累疏言事上意嚮納丁喪服闋淳祐初赴闕擢右正言劾奏知臨安府趙與憲聚斂害民理宗難之至牽褊力諫後罷歸適權鄉郡丘迪壽虐殺無辜昴英繳告勅乞辯平民之寃於是全活甚多以此竟褫閣職而歸

文溪集

傳

黃

語

淳祐壬子徐清叟薦起除直寶謨閣江西提刑兼知贛州被召赴闕兼國史實錄院檢討尋擢龍圖閣待制吏部侍郎屬中官董宋臣竊弄威福御史洪天錫攻之俄解言職昴英奏乞與俱貶留疏拜辭遂歸居文溪卒年五十有七諡忠簡

論曰孔子稱叔向曰古之遺直於子產曰古之遺愛也李昴英信兼有之觀其攻擊賈史輩揭綱常於宇宙間而奸諛爲之寒膽惠先鄉閭寧褫職而不顧粒饑氓肉白骨在在歌舞之非胷中仁涵義茹其何以

有是白沙陳獻章曰普觀文溪存稿初涉其流湫瀾  
汪洋若江河之奔駛而又好爲生語險怪百出讀者  
往往驚絕至或不能以句以謂文溪直文耳徐攷其  
實則見其重內輕外難進而易退蹈義如弗及畏利  
若懦夫卓乎有以自立不以物喜不以己悲蓋亦庶  
幾乎浩然而自得者矣斯言也殆知言也乎

文溪集

傳

黃

三

文溪先生傳

後學莆田姚 虞撰

公名昂英字俊明別號文溪廣之番禺人其先家乘國史未詳父奉直大夫諱天棐有隱德母夫人黎氏有娠夢大星降庭未幾公應期而生弱冠登上第洪平齋徐梅堃諸公異其才以爲南方間氣調推汀州平反清讞民無冤者時守陳孝嚴鷲悍刻下邇致變作公委身蕩平之端平乙未戍卒亂由惠州直趨番禺承平日久人不知兵守帥曾治鳳航海潛去公與崔清獻公提兵討賊一道生靈賴以安全事聞入朝

文溪集

傳

姚

虞

理皇以瞻畧褒美首上疏言畏天變恤人言追斥王安石叛經之罪風紀凜然擬舉閩粵貪吏望風解印蓋氣節之悚人也如此淳祐初杜公範入相與劉侍御漢弼徐祭酒元杰時稱爲三賢僉庭薦公公至抗言時事一曰定國本二曰去權姦三曰斥絕宮媪閣寺尤奮激論列伸三賢暴卒之說牛論牀之上嘗從容謂宰執曰李昂英南人無黨進秩兼講筵公益自感勵知無不言劾奏史嵩之奸譎貪殘罪浮四凶宜

遠竄荒裔疏三上迺出嵩之于外時陳韡趙與簾輩

負緣爲孽公尤譏之至引上襦妻不納旨與外遣三  
學生胤李師中送唐介韻餞之有庾嶺梅花清似玉  
一番番要一番寒之句輿論傳誦然公之忠鯁出於  
天性未幾遷直寶議進太宗正卿貳冢宰志在格心  
嗚呼側目竟以世議逾阨不容其高公亦莫之顧也  
恭其廬墓阜衍穢倉惠民孝弟之化及於尚曾嗜殺  
之殃止於鄉帥尤有出人情守官之道之外者及歸  
田賦詩抱道自樂湛然若終身焉謂爲立身制行夫  
節足以廉頑而立懦是耶非耶卒之前數日忽一夕

文溪集

傳

姚

毛

大星殞旣而公沒識者謂公之辰繫于天固異云所  
著書文有二十卷行于世名文溪集

論曰嶺之南雋士奇人亦多矣唐宋而下莫重張文  
獻公九齡崔清獻公與之立朝造粵皆有異勳由今  
觀李忠簡公班于二公之間豈其軒輊哉善乎文文  
山評之曰崔公天人文溪崔公樣人崔公不可作已  
願見文溪嗚呼文山振古人傑其爲評亦心服于文  
溪可以觀公之平生矣士有懷琬琰而含輝光者亦

何可泯哉

嶺海巨浸浮天巍峰薄漢鍾山川之秀者不減嶽降  
生申雖炎嶠天末地遠交踈然間氣特出卓行輒覓  
千古唐張文獻先生九齡宋崔清獻先生與之此非  
山斗共瞻聲施振古者乎善繼忠簡先公居二獻之  
間德業文章班班史冊本傳載之詳矣百世下惟陳  
江門湛甘泉文文山三先生論薦甚當陳之論曰觀  
文溪存稿渺瀰汪洋若江河之奔駛而又好爲生語  
險怪百出讀者往往驚絕至或不能以句謂文溪直

文溪集

論

三

文耳徐考其實則見其重內輕外難進而易退蹈義  
如弗及畏利若懦夫不以物喜不以己悲卓乎有以  
自立蓋庶幾浩然自得者湛之論曰公忠孝義勇惠  
廉備六行以立身奸臣觀之將愧其忠薄子觀之將  
愧其孝師友操戈者觀之將愧其義怯懦于難者觀  
之將愧其勇殘剝殃民者觀之將愧其惠貪進無耻  
者觀之將愧其廉而至於文文山之評則曰崔公天  
人文溪崔公樣人崔公不可作已願見文溪嗚呼尚

論千古各杼心期三君子可謂知言矣立教維風得

一善猶足以表矧文章德業如先公者可不謂百世之師歟先公之自題者有曰矧岬山癯搭颯野服蒼茗松根煨芋巖曲且農且漁非僊非俗淇傍何有秋鶴霜竹寓言之意何深且遠也人世昏昏熱夢非茗不醒非入林不冷有松根之茗而熱夢不知何去矣人世貪饕攘逐豈知藿食可飽幽巖可棲有巖曲之芋貪逐無勞營營矣耕獲矢志於伐檀釣絲力繫乎九鼎有農漁之樂而素餐隕墜可無詒誚矣溺志蓬壺老死海上與不出牖下者均於世教無補脫仙俗之藩而行已措躬別有實地矣雞鶩營爭於宵旦燕柳先零於望秋穢性弱質傷壞名簡有秋霜之竹鶴前溝標勁節高出塵表矣凡此皆先公之自繪卽先公之所以立教也明遠維先志謹揭其立言之旨其叩于三先坐以告夫後之知言者

文溪立朝像



文溪集

像贊

三

夫何若目之營然憂世志也若冠之峩然撐天墜也若笏之奮然擊佞史也若綬之縈然緹賊壘也若愷悌之藹然贖民惠也若視之矐然從師義也若神之

淵然文思致也嗚呼此非  
文溪先生之行義文藝流  
光於百世也乎

甘泉湛若水贊

文溪集

像贊

三

文溪行樂像





此公手澤也

文溪自贊



玲瑋山癯

文溪集

像贊

三

搭颯野服  
藜苕松根  
煨芋巖曲

且農且漁  
非僂非俗  
淇傍何有

秋鶴霜竹

門生蜀西

吳堯立石

李忠簡公文溪集目錄

卷之一

記

卷之二

記

卷之三

序

卷之四

題跋

文溪集

目錄

卷之五

題跋

卷之六

奏議

卷之七

奏議

卷之八

奏議

卷之九

奏議

卷之十

書狀

卷十一

判行狀

卷十二

祭文 墓誌銘 雜著

卷十三

五言古詩 七言古詩

文溪集

目錄

三五

卷十四

五言律詩

卷十五

七言律詩

卷十六

七言律詩

卷十七

七言絕句 贊銘

卷十八

詩餘

卷十九

詩餘

卷二十

家書

卷之末

附錄

十四世孫從祀生員廷元

十五世孫貢生文燦

文溪墓

目錄

三六

庠生文煥

文燦

十六世孫庠生殿苞

殿華同校

